

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-23-16608/19  
Sarajevo, 16.9.2019. godine

Na osnovu člana 28. i člana 70. Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU o izboru najpovoljnijeg ponuđača**

### **I**

Prihvata se ponuda ponuđača „Harysco“ d.o.o. Sarajevo sa ponuđenom cijenom za ugovor u iznosu od 17.047,78 KM sa PDV-om u predmetu „Izvođenje dodatnih radova na izgradnji separatne kanalizacione mreže u ulici Amira Krupalije po Ugovoru br.02/12-23-11488/17 od 02.8.2017. godine“, u pregovaračkom postupku bez objave obavještenja o nabavci.

### **II**

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

### **Obrazloženje**

Na osnovu dostavljenog izvještaja o radu Komisije za javne nabavke radova i preporuke za dodjelu ugovora konstatovano je da je tokom realizacije Ugovora broj 02/12-23-11488/17 od 02.8.2019. godine o izvođenju radova na izgradnji separatne kanalizacione mreže u ulici Amira Krupalije, od strane stručno-tehničkog nadzora dostavljena informacija o potrebi dodatnih radova. Shodno navedenom, Služba za investicije i komunalne poslove obratila se zahtjevom broj 02/08-23-sl/19LK od 30.7.2019. godine za pokretanje postupka javne nabavke „Izvođenje dodatnih radova na izgradnji separatne kanalizacione mreže u ulici Amira Krupalije po Ugovoru br.02/12-23-11488/17 od 02.8.2017. godine“.

Postupajući po naprijed navedenom zahtjevu donesena je Odluka o pokretanju postupka javne nabavke, br. 02/12-23-16608/19 od 08.8.2019. godine, u skladu sa članom 18 stav 1. i članom 28. Zakona o javnim nabavkama, te je pokrenut postupak javne nabavke za izvođenje dodatnih radova na izgradnji separatne kanalizacione mreže u ulici Amira Krupalije po Ugovoru br.02/12-23-11488/17 od 02.8.2017. godine, putem pregovaračkog postupka bez objave obavještenja o nabavci. Poziv za učešće u pregovaračkom postupku broj 02/15-23-16608/19 od 09.8.2019. godine upućen je firmi „Harysco“ d.o.o. Sarajevo, za dostavu ponude za izvođenje dodatnih radova u predmetnoj nabavci.

Zapisnikom o otvaranju ponuda od 26.8.2019. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Harysco“ d.o.o. Sarajevo sa ponuđenom cijenom za ugovor u iznosu od 14.585,00 KM bez PDV-a, odnosno 17.064,45 KM sa uračunatim PDV-om.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom ponuđača o istom. Komisija je zatražila od ponuđača da se u

ostavljenom roku izjasni o konačnosti svoje ponude. Zapisnici o otvaranju ponude i pregovaranju dostavljeni su ponuđaču na fax.

Ponuđač je dostavio konačnu ponudu za nabavku dana 02.9.2019. godine tako da je ponuđena cijena za ugovor 14.570,75 KM bez PDV-a, odnosno 17.047,78 KM sa PDV-om.

Komisija je izvršila analizu konačne ponude i utvrdila da ista u cijelosti ispunjava uslove tražene tenderskom dokumentacijom, ali da je utvrđena računska greška u rekapitulaciji i to u koloni u kojoj je trebao da se upiše popust (ukoliko ga ima), upisan je PDV od 17%, a u koloni u kojoj je trebala biti ukupna cijena sa popustom bez PDV-a, data je cijena sa PDV-om, odnosno utvrđeno je neslaganje ponuđenih cijena u obrascu za ponudu (Aneksa 4), tako da je bilo neophodno ispraviti cijene u rekapitulaciji ponude. Dana 04.9.2019. godine ponuđač „Harysco“ d.o.o. Sarajevo dostavio je obavještenje o saglasnosti ispravke računске greške.

Nakon toga Komisija je putem Službe za investicije i komunalne poslove, dostavila konačnu ponudu stručno-tehničkom nadzoru na uvid. Nadzor je svojim aktom od 09.9.2019. godine utvrdio da konačna ponuda po opisu i količinama odgovara potrebama za kompletiranje projekta na predmetnoj lokaciji, te je stručno-tehnički nadzor mišljenja da se predmetna ponuda može prihvatiti.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora „Harysco“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  
mr. Neđa Smajić Sahić

#### **DOSTAVITI:**

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

